



15  
1321  
1





1931  
1

民國二十一年  
五月



門 5  
號 1321  
卷 1

刻刃鳳坐閣藏

味  
西  
綫

歲 癸 辛酉重

嘉慶辛酉重刊

# 湘煙錄

凌氏鳳笙閣藏板

實價元銀叁錢伍分

湘煙

錄原叙

湘煙

錄者余友凌駿甫暨其甥

閔子京所緝云始駿甫訪余病中

一晤對便揮今古獨津上唐次山

不置。餘子意不甚許可。已言子

京懷多奇。怕捷戶鮑水沈。晰夕

昭和十一年三月十三日 璣求

讀異書。有得。輒呼酒。相勞。排纘  
之暇。間與未藝者。游。趁。搖。作。物  
外觀。蓋借駿。有。渙。弋。者。數。年。而  
此錄始成。甫閱之。沈。憂。若。失。犁。  
然。當。余。心。哉。今。夫。晴。垌。繡。野。夫。  
人之所蹟。留。而。魂。靡。者。也。有。一



境。於。此。危。巖。捍。景。幽。壑。吹。雪。林。  
翳。蕭。暎。迤。焉。石。互。牛。羊。為。之。踪。  
輜。樵。獵。者。過。弗。睨。而。煙。霞。之。士。  
遇。之。如。飫。大。烹。如。耳。大。鑄。如。拾。  
久。遺。如。寤。狂。醉。故。曰。非。其。聽。者。  
明。去。之。非。其。聽。者。聰。謝。之。非。其。

居者神道之。是編為卷僅十有  
六。而冷豔畢。臚瑰瑋離奇。可以  
隼字觀。子姦。可以單帙網。四部。  
按之有聲。拂之有香。奇藪怪流。  
此焉津之。或六稚川未覲。非庠  
罕覲者焉。兩君生名。潤皆綺年。

能湛精冶。為文不屑留常言。  
識者以為波斯木難之流。其脰  
中無奇。不經故所述。乃爾此書  
法行。假令世有解人。焉遇之而  
嗜之。而再回視之。夫將俟雨。若  
之。夜東出。明月平陸。朽壤清泉。

忽波以為未然。借問諸聲叟。

壬戌秋日友第董斯張書



正定

倪元璐鴻寶

金聲正希

凌濛初初成

叅評

馬世奇君常

蔣煜羽公

董斯張遐周

潘基慶良耜

相堙錄

姓氏



王德元復之

閔元衢康侯

沈 祝始之

沈光胤嗣宗

蔡閱

徐 沂勿齋

凌 駟龍翰

黃景昉東崖

重訂

凌玉行劍墀

凌之幹南柱

凌琴言理堂

凌琴文孔堂

凌惠祖望來

凌熙春藹堂

凌晨敷含芝

凌 霄步青

凌聲陞熙環

凌浩波鏡源

凌賡堂耕唐

凌 雯雲程

凌超然梯霞

凌斐然筠文

凌學洙沂春

引用書目

水經注

漂粟手牘

蔡質漢儀

九州春秋

金樓子

夢溪筆談

集古錄目

會稽記

汜勝之書

金石錄

世說注

異聞記

寺塔記

小名錄

河洛春秋

南唐書

雜字韻寶

楊文公談苑

廣博物志

楓牕小牘

華陽國志

同姓名錄

程史

遊宦紀聞

墨莊漫錄

李商隱集

酉陽雜俎

續酉陽雜俎

洛陽伽藍記

瑯嬛記

學齋帖碑

摭言

清異錄

金鑿密記

夷白齋詩話

僧贊寧筍譜

弘明集

廣弘明集

輟耕錄

唐詩紀事

吳均餅說

法書要錄

蜀藝文志

古今注

說略

支公集

七賢帖

緯略

北夢瑣言

唐闕史

漢上題襟集

淳化閣帖

茶經

洪容齋五筆

六帖

王暉文集

數術記遺註

搜神記

拾遺記

齊民要術

僊傳拾遺

歸藏

別國洞冥記

真誥

集異記

廣川書跋

法書苑

冥通記

卒觀手抄

神僊傳

侯鯖錄

真靈位業圖

東坡志林

道藏

彤管遺編

西京雜記

志奇

韻府

郭氏洞林

因話錄

續博物志

翰府名談

婦女集

杜陽雜編

貴耳集

雲溪友議

泉志

原始

東觀漢記

老學庵筆記

西溪叢語

蜀中廣記

吹景集

大中遺事

姚鵞尺牘

北里志

津陽門詩注

典略

三國志註

南部新書

妬文記

教坊記

語林

河東記

詩源指訣

過庭錄

詩話總龜

溫公詩話

麗情集

玉照新志

詞林海錯

寰宇記

海錄碎事

珊瑚鈎詩話

許彥周詩話

靈惟集

唐年小錄

宣室志

南楚新聞

羅浮山記

冥報志

廣雅

風土記

金薤琳琅

樹萱錄

續樹萱錄

紀聞

玉溪編事

乾膜子

草木子

羯鼓錄

天中記

異聞志

荊州記

南方草木狀

嶺表錄

吳郡疏

刀劍錄

纍瓦編

爾雅疏

本草綱目

神異經

荆楚歲時紀

談藪

異物志

樂郊私語

菘林伐山

丹鉛錄

暘谷漫錄

藝海洞酌

迹異記

石林詩話

困學紀聞

異域志

酒譜

香譜

南州異物志

糖霜譜

宋景文筆記

癸辛雜識

春風堂隨筆

夏小正

澹巖集

升庵詩話

晞錢馮聿

青州雜記

漢臯詩話

國史纂異

歲華紀麗譜

國老談苑

演繁露

方言

物原

顏氏家訓

山海經

焦氏筆乘

晁氏客語

文選注

幽明錄

時鏡新書

高士傳

幽燕異記

說儲

集韻

堯山堂外記

太平御覽

路史

中有間取一二或附見他集者不盡載

湘煙錄目次

卷之一

咫聞一

卷之二

咫聞二

卷之三

咫聞三

卷之四

清檢上





卷之五

清檢下

卷之六

蘭訊

卷之七

鼎書

卷之八

奩史上

卷之九

奩史下

卷之十

談嘲

卷之十一

金荃補

卷之十二

革志

卷之十三

詔目上

卷之十四

詔目下

卷之十五

偏記上

卷之十六

偏記下

湘煙錄卷之一目錄

咫聞一

石門碑

李斯

桓季長

月額雨

鄭公泉

析里橋郝閣頌

吳王璧羽

黃陵廟

防攻

海陵王墓銘

論耕

湘煙錄卷之一

閱元京子京

烏程

凌義渠駿甫

仝輯

凌賡堂耕唐重較

咫聞一

石門碑 水經注

瀆水受河水有石門，謂之爲滎口石門也。而地形殊卑，蓋故滎播所道，自此始也。門南際河，有故碑云：惟陽嘉三年二月丁丑，使河堤謁者王誨疏達河川，迹荒廢土，云大河衝塞，侵齧金堤，以竹籠石。



葦葦土而為遏，壞隕無已。功消億萬，請以濱河郡徒疏山采石壘，以為鄣。功業既就，徭役用息，未詳二字衍見詔書許誨立功府鄉，規基經始，詔策加玉海引命遷在沈州，乃簡朱軒授使司馬登，令纘茂前緒，稱遂休功。登以伊洛合注大河南，則緣山東過大，叵回流北岸，其勢鬱懔，濤怒湍急，激疾一有決溢，彌原淹野，蟻孔之變，害起不測。蓋自姬氏之所常感，昔崇鮪所不能治，我二宗之所劬勞，於是乃跋涉躬親，經之營之，比率百姓，議之於臣，伐石三谷。

朱無易曰：東南北三字錯，舛便不見板。

水匠致治，立激岸側，以捍鴻波，隨時慶賜，說以勸之。川無滯，越水土通，演役未踰年而工程有畢，斯乃元勳之嘉課，上德之弘表也。昔禹修九道，書錄其功，后稷躬稼，詩列于雅。夫不憚勞謙之勤，夙興厥職，充國惠民，亦得湮沒而不章焉。故遂刊石記功，垂示於後。其辭云云：使河堤謁者山陽東昏司馬登，字伯志，代東萊典城王誨，字孟堅，河內太守，守城向豺，字伯尹，丞汝南鄧方，字德山，懷令劉丞，字季意，河堤掾匠等造，陳留浚儀邊韶，字季先，頌。

朱無易曰：孝先碑聲價極重，文雖四言，開齊梁惡徑。

然猶質朴可觀

石銘歲遠字多淪缺其所滅蓋闕如也

吳王壁羽 漂粟手牘

吳王壁羽常與楚戰種歲弗利而百姓疲敝王將卒有六甲晝見吳之分野王訓其子齊彛曰烏乎主疇罔欲保厥國民疇罔欲保厥家強國罷民國卒越弱華余多事於楚邦惟民底疚天式示象六甲晝見於我吳陰陽靡已罔分節候靡已罔配政教靡已罔布農時靡已罔授侯逞於式師敵北我克尚匪仁君逞民悴焉攸利余疾屬綢漸爾惟保

鍾伯敬曰王元美據續圖經紀諸書決姑蘇臺始于闔閭成于夫差非闔伍胥名而轉音抑未觀壁羽之訓乎且可以補蘇志之缺

太王之統緒無底失墜余於地下懷爾勳從茲以往爾姑蘇我民乎烏乎罔違於余言國乃昌子孫其吉民又而式匪後言訖屬續太史藉之藏之玉積齊彛於是起姑蘇之臺以志之後十餘世巫臣復通吳於上國而楚人懼

系本曰吳孰哉居藩籬宋衷曰孰哉仲雍字 史 太伯注

李斯 蔡質漢儀

李斯治驪山陵上書曰臣所將隸徒七十二萬人

治驪山者已深已極鑿之不入燒之不難叩之空  
空如下天狀始皇報丞相曰鑿之不入燒之不然  
其旁行三百丈乃止

黃陵廟 水經注

湖水西流逕二妃廟南世謂之黃陵廟也言大舜  
之陟方也二妃從征溺于湘江神遊洞庭之淵出  
入瀟湘之浦是問奇字瀟者水清深也湘中記曰湘川清照  
五六丈下見底石如樗蒲矣五色鮮明白沙如霜  
雪赤崖若朝霞是納瀟湘之名矣

朱無易曰按  
託原文湘水  
至清雖深五  
六丈見底了  
了然石子如  
樗蒲矣酈注  
剛潤為佳

董遐周曰岳之黃陵癸比氏墓癸比氏舜第三  
妃二女者癸比氏出也一曰宵明二曰燭光山  
海經言洞庭之山帝之二女居之是也又云舜  
二女處河大澤光照百里大澤者洞庭之謂而  
光照者威靈之所暨也說者見堯典有二女之  
文遽以為堯女舜妃厥妄甚矣羅長原云

桓季長 司馬彪九州春秋

建安六年劉表攻西鄂西鄂長杜子緒帥縣男女  
嬰城而守時南陽功曹桓季長亦在城中聞兵攻

閱子京曰。只五日。間勇怯。頗異。真寫生手。

聲。恐懼。入室。閉戶。牽被。覆頭。相攻。半日。稍敢出。而其明。側立。而聽。二日。往出。戶問。消息。至四五日。乃更負。楯。親鬪。語子緒曰。勇可習也。

防攻 水經注

江陵城地東南傾。故緣以金堤。自靈溪始。桓温令陳遵造。遵善於防。攻使人打鼓。遠聽之。知地勢高下。依傍創築。略無差矣。

月額雨

金樓子自敘云。初至荊州。孟秋之月。亢陽日久。月

旦雖雨。俄而便晴。有人云。月雨額。千里赤。蓋旱之徵也。吾筮當雨。又以十七日筮。於時雲卷金翹。日暉合璧。紅塵暗陌。丹霞映峙。咸謂亢陽之勢。未沐膏澤。筮遇坎之比。予曰。坎者水也。子爻為世。其在今夜三更乎。地上有水。稱之為比。其夜果有甘雨。金樓子又云。星懸玉李。月上金波。霧生猶穀。河垂如帶。

海陵王墓銘 沈括夢溪筆談

金陵有甕人。以一方石鎮肉。視之。若有鐫刻。試取

銘語皆幹旋  
明帝却自無  
迹

石洗濯。乃齊海陵王墓銘。謝朓撰。并書。其字如鍾  
 繇。極可愛。此銘朓集中不載。今錄於此。中樞誕聖。  
 膺曆受命。於穆二祖。天臨海鏡。顯允世宗。溫文著  
 性。三善有聲。四國無競。嗣德方衰。時惟介弟。景祚  
 云及。多難攸啓。載驟載獵。高闕代邸。庶辟欣欣。威  
 儀濟濟。亦既負宸。言觀帝則。正位恭已。臨朝淵嘿。  
 虔思寶締。負荷非克。敬順天人。高遜明德。西光已  
 謝。東旭又良。龍燾夕儼。葆挽晨鏘。風搖草色。日照  
 松光。春秋只二語悲甚非我。晚夜何長。

右齊海陵王墓銘。長兼中書侍郎。謝朓撰。海陵  
 王昭文者。文惠太子次子也。初明帝鸞。既廢鬱  
 林王昭業。而立昭文。又廢為海陵王。而殺之。遂  
 自立。按謝朓傳。朓當海陵王時。為驃騎諮議領  
 記室。又掌中書郎。後遷尚書吏部郎。此誌題云。  
 長兼中書侍郎。而據傳。朓未嘗為中書侍郎。史  
 之闕也。按南齊書。劉俊為長兼侍中。後魏臨淮  
 王彧。為長兼御史中尉。南北史多有此名。蓋當  
 時兼官之稱。如唐檢校官之類也。出集古錄目



馬君常曰按東觀餘論云彖暉自以草隸名當時後人目以飛華滿目殘霞照人此志結字高雅必眺書沈載此文於其書亦小異如溫文著性石本云者性嗣德方衰石本云方褰晚夜何長石本云曉夜當以石本為是張攷韻書云晦而月見西謂之眺彖暉當從眺不從眺也

鄭公泉 水經注

邪谿之東又有寒谿谿之北有鄭公泉泉方數丈冬溫夏涼漢太尉鄭弘宿居潭側因以名泉弘少

以苦節自居恒躬采伐用貿糧膳每出入谿津常感神風送之雖憑舟自運無杖楫之勞邨人貪藉風勢常依隨往還善。藉。風。有淹留者徒輩相謂汝不欲及鄭風耶其感致如此勢。者。愧。否。

閔子京曰若耶風又號樵風宋之問詩日暮便樵風錢公輔詩仙客常因一箭贈樵風長到五雲間

孔靈符會稽記曰射的山南有白鶴山此鶴仙人取箭漢太尉鄭弘嘗采薪得一遺箭頃有人覓弘還之問何所欲弘患若耶溪載薪為難願旦南風莫北風後果然故若耶溪風至今猶然呼為鄭公風

董遐周曰。今頌衮衣繡裳者。君以爲幽。我見其鄭耳。

論耕 汜勝之書

凡耕之本。在於趣時。和土。務糞。澤旱。鋤穰。春凍解。地氣始通。土一和解。夏至天氣始暑。陰氣始盛。土復解。夏至後九十日。晝夜分。天地氣和。以此時耕。田一而當五。名曰膏澤。皆得時功。春地氣通。可耕。堅硬強地。黑墟土。輒平摩其塊。以生草。草生復耕之。天有小雨。復耕和之。勿令有塊。以待時。所謂強。

朱無易曰。爾雅釋文云。汜勝之種殖書。無稷蕭大圖云。獲菽尋汜氏之書。露葵徵尹君之錄。

土而弱之也。春候地氣始通。椽橛木長尺二寸。埋尺。見其二寸。立春後。土塊散上。沒橛。陳根可拔。此時二十日以後。和氣去耶。土剛。以此時耕。一而當四。和氣去耕。四不當一。杏始華榮。輒耕輕土。弱土。望杏花落。復耕。耕輒蘭之。草生有雨澤。耕重蘭之。土甚輕者。以牛羊踐之。如此則土強。此謂弱土。而強之也。春氣未通。則土歷適。不保澤。終歲不宜稼。非糞不解。慎無旱耕。須草生。至可種時。有雨。卽種土相親。苗獨生。草穢爛。皆成良田。此一耕而當五。

也。不如此而旱耕。塊硬。苗穢。同孔。出不可鋤。治反。爲敗田。秋無雨而耕。絕土氣。土堅塔。名曰脂田。及盛冬耕。泄陰氣。土枯燥。名曰脯田。脯田與脂田皆傷田。二歲不起稼。則一歲休之。凡愛田。常以五月耕。六月再耕。七月勿耕。謹摩平以待種時。五月耕一當三。六月耕一當再。若七月耕。五不當一。冬雨雪止。輒以藺之掩地。雪勿使從風飛去。後雪復藺之。則立春保澤。凍蟲死。來年宜稼。得時之和。適地之宜。田雖薄惡。收可畝十石。

王復之曰。勝之此書。事覈而言練。當與呂覽上農諸篇並錄。呂氏春秋。凡耕之道。必始於墟。爲其寡澤。而后枯。說文墟。剛土也。從土盧。聲。洛乎切。塔。土乾也。一曰堅也。聲。胡格切。藺。莞屬。聲。良办切。

析里橋郿閣頌 歐陽修集古錄目

漢析里橋郿閣頌。建寧五年立。云惟斯析里。處漢之右。溪源。漂疾。橫注於道。涉秋霖。漉稽滯。商旅休。謁往還。常失日晷。行理咨嗟。郡縣所苦。斯溪旣然。

郿音府

郝閣尤甚。臨深長淵三百餘丈。接木相連。號為萬柱。遭遇。隕。納。人物俱隋。一作沈沒。洪淵酷烈為禍。

於是太守河陽李君諱會字伯都。以建寧三年二月辛巳到官。思惟惠利。有以綏濟。聞此為難。其日

久矣。乃俾府掾

碑作衡官掾

僦審改解危殆。即便求隱

析里大橋。於爾乃造。又驛散關之嘲。潔徙

碑作朝從

陽之平。慘滅西高閣。就安寧之石道。禹導江河。以靖四海。經紀碑作厥績。艾康萬里。乃作頌曰。頌後

又詩。皆磨滅不完。

董遐周曰。按曾子固金石錄。嘉祐間。晁仲約為興州還京。得郝閣頌。以遺余。稱武都太守陽阿李翁之所建。永叔以為李會非也。頌中又有功曹吏李旻。歐亦不錄。又廣川書跋云。潔當作濕。慘當作燥。驛當作易。所云隕納者。則以傾隕地壞。自納於淵也。用修取濕燥之說。更以嘲為潮。以驛為釋。後世無楊雲。孰為辨之。

湘煙錄卷之一終

湘煙錄卷之二目錄

尺聞二

管輅

郭欽悅

龍兒

顏杲舞

上玉璽牋

逍遙論

先天頓

禰衡

却登高文



湘煙錄卷之二

閱元京子京

烏程

凌義渠駿甫

仝輯

凌賡堂耕唐重較

咫聞二

管輅

別傳

勃海劉長仁有辨才初雖聞輅能曉鳥鳴後每見難輅曰夫生民之音曰言鳥獸之音曰鳴故言者則有知之貴靈鳴者則無知之賤名何由以鳥鳴為語亂神明之所異也輅答曰夫天雖有大象而

沈氏金  
不能言。故運星精於上。流神明於下。驗風雲以表  
異。役鳥獸以通靈。表異者必有浮沉之候。通靈者  
必有宮商之應。是以宋襄失德。六鷁並退。伯姬將  
焚。鳥唱其災。四國未火。融風已發。赤鳥夾日。殃此  
荆楚。此乃天上之所使。自然之明符。考之律呂。則  
音聲有本。求之人事。則吉凶不失。昔在秦祖。以功  
受封。葛盧聽音。著在春秋。斯皆典謨之實。非聖賢  
之虛名也。商之將興。由一燕卵也。文王受命。丹鳥  
銜書。此乃聖人之靈祥。周室之休祚。何賤之有乎。

夫鳴鳥之聽。精在鶉火。妙在八神。自非斯倫。猶子  
路之於死生也。長仁言。君辭雖茂。華而不實。未之  
敢信。須臾有鳴鵲之驗。長仁乃服。

### 逍遙論

支道林逍遙論曰。夫逍遙者。明至人之心也。莊生  
建言大道。而寄指鵬鷖。鵬以營生之路。曠故失適。  
於體外。鷖以在近。而笑遠。有矜伐于心。內至人乘  
天正。而高興。遊無窮于放浪。物物而不物于物。則  
遙然不我得。不感不為。不疾而速。則逍然靡不適。

朱無易曰。釋  
惠淨衍莊子  
曰。無常者。故  
吾去也。緣起  
者。新吾來也。  
故吾去矣。吾  
豈常乎。新吾  
來矣。吾豈斷  
乎。此語亦可。

此所以為逍遙也。若夫有欲，當其所足，足於所足，快然有似天真。猶饑者一飽，渴者一盈，豈忘烝嘗於糗糧，絕觴爵於醪醴哉？苟非至足，豈所以逍遙乎？此向郭之注所未盡。

莊子逍遙，古作消搖。字黃幾復解云：消者如陽動而水消，雖耗也不竭；其本搖者如舟行而水搖，雖動也不傷其內。遊於世若是，惟體道者能之。

鄭欽悅 陳翰異聞記

天寶中有商洛隱者任昇之，嘗貽右補闕鄭欽悅書曰：昇之白，頃退居商洛，久闕披陳，山林獨往，交親兩絕，意有所問，別日垂訪。昇之五代祖仕梁為太常，初任南陽王帳下，於鍾山懸岸圯壙之中，得古銘，不言姓氏。小篆文云：龜言土，著言水。甸服黃鍾啓靈趾，瘞在三上庚。墮遇七中巳，六千三百浹辰交。二九重三四百圯。文雖剝落，仍且分明。大雨之後，纔墮而獲，即梁武大同四年數日，遇孟蘭大會，從駕同泰寺。錄示史官姚訾，并諸學官，詳議數



月無能知者。筐筥之內，遺文尚在。足下學乃天生，而知計捨運籌，而會前賢所不及。近古所未聞，願採其旨要，會其歸趣，著之遺簡，以成先祖之志，深所望焉。樂安任昇之白，數日，欽悅，卽復書曰：使至忽辱簡翰，用浣襟懷，不遺舊情，俯見推訪，又示以大同古銘，前賢未達，僕非遠識，安敢輕言。良增懷媿也。屬在途路，無所披求，據鞍運思，頗有所得。發壙者未知誰氏之子，卜宅者實爲絕代之賢，藏往知來，有若指掌，契終論始，不差錙銖。隗炤之預識

龔使無以過也。不說葬者之歲月，先識圮時之日辰，以圮之日，却求初兆，事可知矣。姚史官亦爲當世達識。復與諸儒詳之。沈吟月餘，竟不知其指趣。豈止於是哉。原卜者之意，隱其事，微其言，當待僕爲龔使耳。不然，何忽見顧訪也。謹稽諸歷術，測以微詞，試一探言。庶會微旨。當梁武帝大同四年歲次戊午，言旬服者五百也。黃鍾者十一也。五百一十一年而圮。從大同四年上求五百一十一年，得漢光武帝建武四年戊子歲也。三上庚，三月上旬。

之庚也。其年三月辛巳朔十日得庚寅，是三月初  
葬於鍾山也。七中巳，乃七月戊午朔十二日得巳  
巳，是初圮墮之日，是日巳巳可知矣。浹辰十二也。  
從建武四年三月至大同四年七月，總六千三百  
一十二月，每月一交，故云六千三百浹辰交也。二  
九爲十八，重三爲六，末言四百，則六爲千，十八爲  
萬可知。從建武四年三月十日庚寅初葬，至大同  
四年七月十二日巳巳初圮，計一十八萬六千四  
百日，故云二九重三四百圮也。其所言者，但說年  
月日數耳。差一數，則不相照會矣。原卜者之意，當  
待僕言之。吾子之問，契使然也。從吏已久，藝業荒  
蕪，古人之意，復難遠測。足下更詢能者，時報焉。使  
還不代。鄭欽悅白記。

欽悅自右補闕歷殿中侍御史，爲時宰李林甫  
所擯，終身不顯。貞元中，李吉甫貶明州，得其書，  
因記其事。

先天幘 段成式寺塔記

翊善坊保壽寺有先天菩薩幘本，起成都妙積寺。

開元初有尼魏八師者常念大悲呪雙流縣百姓  
劉乙名意見年十一自欲事魏尼尼遣之不去常  
於奧室立禪嘗白魏云先天菩薩見身此地遂飾  
灰於庭一夕有巨跡數尺輪理成就因謁畫工隨  
意設色悉不如意有僧楊法成自言能畫意兒常  
合掌仰祝然後指授之以近十稔工方畢後塑先  
天菩薩凡二百四十二首首如塔勢分臂如意蔓  
其楞子有一百四十日鳥樹一鳳四翅水肚樹所  
題深恠不可詳悉畫樣凡十五卷柳七師者崔寧

之甥分三卷往上都流行時魏奉古爲長史進之  
後因四月八日賜高力士今成都者是其次本

先天幘讚連句 觀音化身厥形孔恠臄腦滄厲

衆魔膜拜張善繼指夢鴻紛榜列區界其事明張

何不可解段柯古閩河德川大士先天衆像衆羅

噉噉田田鄭夢復百億花發百千燈燃膠如絡繹

浩汗連綿善繼焰摩界戚洛迦苦霽正念歸依衆

青如篲柯古戾滓可汰癡膜可脫稽首如空眸容

若睇善繼闡提黑尿覩而面之寸念不生未遇乎

沐煙錄

卷之二

而柯古

龍兒

陸龜蒙小名錄

齊高帝名道成，字紹伯，小字鬪將，世祖皇帝躋，字宣遠，太祖長子，生於建康青溪宅，其夕陳太后劉昭后同夢龍據，因小字曰龍兒，初高祖在府，夢着展上太極殿，三人從，一人武帝，一人明帝，一人張天、地圖，而不識，意言是梁太祖子弟及踐阼，常與梁太祖密宴，謂曰：我辛苦得天下，而祚不傳孫，我死龍子當得龍子，死當屬阿度。此後當還卿子。

襴衡

魏武召衡為鼓吏，着岑牟單絞之服為漁陽，襴搥。宋楊文公談苑載：襴衡鼓歌曰：邊城晏開，漁陽襴黃塵蕭蕭，白日暗。

襴雜字韻寶作參，七紺切，鼓曲也。○按徐錯仕江左，校書吳淑，古樂府中有參字者，多改為搥，錯曰：非可以一例，若漁陽參者，音七鑿反，三搥鼓也，以其三搥故，因謂之參。徐說為近。

顏杲卿

包譜河洛春秋

目重錄

卷之二

七

董遐周曰按包諳乃處遂之子欲歸功于父故言杲意由已父勸成之云云然杲卿往迎祿山受其金紫原載在史傳則此書當是偽降緩兵之計亦未必誣也

祿山至藁城杲卿上書陳國忠罪惡宜誅之狀且曰鉞下才不世出天寶縱之所向輒平無思不服昔漢高使赤帝之運猶納食其之言魏武應黃星之符亦用荀彧之策又曰今河北殷實百姓富饒衣冠禮樂天下莫敵孔子曰十室之邑必有忠信萬家之邦非無豪傑如或結聚豈非後患者乎伏惟精彼前軍嚴其後殿所過持重且詳觀地圖凡有隘狹必加防遏慎擇良吏委之腹心自洛已東且為已有廣輓芻粟繕理甲兵傳檄西都望風自

振若唐祚未改王命尚行君相協謀士庶犇命則盛兵鞏洛東據敖倉南臨白馬之津北守飛狐之塞自當抗衡上國割據一方若景命已移謳歌所繫即當長驅岐雍飲馬渭河黔首歸命孰有出鉞下之右者祿山大悅加杲卿章服仍舊常山太守并五軍團練使鎮井徑口前趙州司戶包處遂前原氏尉張通幽藁城縣尉崔安晟恒州長史袁履謙等同上書說杲卿曰明公身荷寵光位居牧守乃棄萬全之良計履必死之畏途取適於目前忘

累於身後，竊爲明公不取。今若拒祿山之命，招十萬之兵，峙乃芻茭，積其食粟，分守要害，大振威聲，通井徑之路，與東都合勢。如此則洪勳盛烈，何可勝言者哉！輕進瞽言，萬無一用。魂銷東岱，先懷屠裂之憂，心拱北辰，願立忠貞之節。杲卿覽書大悅，於是僉議拒祿山僞命。

杲卿碑云：公初被害，搢首於街樹，有張湊者收其髮，俄見夢乎宗云：禦捍處多兵馬少，乎宗哭而設祭焉。後湊以髮至，夫人疑之，憑牀而哭，忽

聞聲如鞭牀者，髮跳箱而前，夫人方駭信之。○馬君常曰：宋末陳普有詩云：驪宮歌笑入青雲，曾識常山有戰塵。忠骨已澌餘髮在，因人得見夢中身。蓋指杲卿見夢明皇，妻疑髮動之事。普字尚德，閩人，明理學，不肯事勝國，故卒在延祐。而其石堂先生集仍國之曰宋。

却登高文

陸游南唐書

韓王從善，元宗第七子，因留京師，後主手疏求歸國，太祖不許。後主素友愛，每憑高北望，泣下沾襟。

馬君常曰  
韋乎性語新  
雋

由是歲時游燕多罷不講常製却登高文曰玉笋  
澄醪金盤繡餠菜房氣烈菊蕊香豪左右進而言  
曰惟芳時之令月可籍野以登高矧上林之伺幸  
而秋光之待褒乎予告之曰昔予之壯也意如馬  
心如猿情繁樂恣驩賞忘勞惰心志於金石泥花  
月於詩騷輕五陵之得侶陋三春之選曹量珠聘  
妓紉綵維艘被墻宇以耗帛論丘山而委糟年年  
不負登臨節歲歲何曾捨逸遨小作花枝金剪菊  
長裁羅被翠為袍豈知韋葦乎性忘長夜之靡靡

宴安其毒累大德於滔滔今予之齒老矣心悽焉  
而怵怵愴家艱之如燬縈離緒之鬱陶陟彼岡兮  
跂予足望復關兮睇予目原有鶴兮相從飛嗟予  
季兮不來歸空蒼蒼兮風淒淒心躑躅兮淚漣漣  
無一驪之可作有萬緒以增悲於戲噫嘻爾之告  
我曾非所宜

上玉璽牋

董斯張廣博物志

關羽上玉璽牋云璽潛漢水伏于淵泉暉景燭曜  
靈光徹天

閔子京曰按  
蜀志太傅許  
靖等上言前  
關羽圍襄陽  
襄陽男子張  
嘉王體獻玉  
璽云云而赤

牘清裁，則以  
爲雲長進靈  
詞，遐周必有  
所據。

張飛有八分書，刁斗銘，又有流江縣紀功題名  
云：漢將張飛，率精卒萬人，大破賊首張郃於八  
濛，立馬勒石。

湘煙錄卷之二終



張飛有人分書乃斗銘又有流江縣紀功題名  
云漢將張飛率精卒萬人打破賊首張郃於人  
濠立馬勒石

湘煙錄卷之二終

